



KOMUNIKADO PA PRENSA

Fecha

17 di mart 2017

Kolaboradó di Maneho

Corinne Leysner

Email

corinne.leysner@gobiernu.cw

Deskonosinan ta kita bòrchinan ku ROP ta pone pa atvertí pa posibel peliger

Willemstad - Minister di Tráfiko, Transporte i Planifikashon Urbano, Ornelio Martina, i e organisashon pa planifikashon urbano, ROP, ta lamentá ku desconosinan ta kita bòrchinan ku ta atvertí pa peliger na sierto edificio den Otrobanda. Ta trata di bòrchinan na edifisionan ku ta den mal estado i por kousa daño.

Durante di e periodo di karnaval ku a pasa, ROP a pone bòrchinan na edifisionan riba ruta i den besindario di e ruta di karnaval, pa asina alertá hende pa no para banda di e edifisionan. E bòrchinan ei tabata un tiki chikitu i pegá riba e diferente edifisionan. Ora e kontratista a bai pa pone bòrchinan mas grandi riba un pia, lòs for di e edifisionan, a nota ku algun di e bòrchinan anterior a dispersé. A pone bòrchi nobo, pero djis algun ora despues sikiera un di e bòrchinan nobo tambe a dispersé.

E bòrchinan ta butá pa protekshon di siudadano i e echo ku ta kita òf hòrta nan no ta un akto di sivismo. Dor di lesa i sigui e instrukshonnan riba e bòrchi, un siudadano por aktua responsabel i keda leu for di e edifisionan konserní. E bòrchinan konserní ta trahá ku sèn di komunidat, ku meta pa protehá komunidat. Esnan ku ta kita, hòrta òf destruí e bòrchinan mester realisá ku e ta hòrta di komunidat i ku e ta hinka komunidat den peliger.

ROP ta bai laga drecha e diferente edifisionan di e doñonan ku no ta tuma nan mes responsabilidadat pa drecha nan edifisionan deplorabel, riba gastu di e doñonan. Ta trata di:

1. Schottegatweg 98-100,
2. Schottegatweg West 10,
3. Schottegatweg West tussen 127 en 129,
4. Schottegatweg West 4,
5. Roodeweg 228,
6. Roodeweg 160,
7. Roodeweg 148,
8. Roodeweg 236,
9. Kortijnweg 5,
10. Breedestraat 190A,
11. Conscientiesteege 63,
12. Conscientiesteege 65, 67, 68.